



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 44. Michael Calephatus Imperator. Tum Constantinus Monomachus.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI.

A.C. 1041.

1024. Heimone Episcopo Viridunensi anno fatis functo, successit Rambertus, qui annis quatuordecim sedit. Atque eo etiam e vivis migrante Henricus Niger Rex primo Imperii sui anno, nempe Christi millesimo trigesimo nono, Episcopatum Viridunensem Richardo Abbati contulit, quod munus ille a se amolitus Richardum, e Sacro fonte a se susceptum, Comitis Hildradi filium, ordinari curavit. S. Abbas senio prope confectus, exinde adhuc septennio superstes tandem decima quarta Junii, anno millesimo quadragesimo sexto, beatam mortem oppetiit. Reliquiæ, quas pectori proxime admotas portare solebat, cum ipso sepultæ.

§. XLIV.

*Michael Calæphatus Imperator. Tum
Constantinus Monomachus.*

Michael Paphlago Imperator morbo, cujus supra mentio nobis fuit, vehementer afflictus, abjecta salutis spe, *Cedr. p. 749.* tonderi voluit, accepitque habitum monasticum de manibus Cosmi monachi, cujus viri semper ejus lateri adhærentis consilio utebatur. Obiit tandem editis magnæ pœnitentiæ signis, ob nefas in Antecessorem suum peractum; nam si hoc probum abfuisset, vitam duxisset laude dignam. Extinctus est vero decima die Decembris anno a Mundo condito sexies mille.

millesimo quingentesimo quinquagesimo, ^{Sæculum XI.}
 Jesu Christi millesimo quadregesimo pri- ^{A.C.1041.}
 mo, Indictione decima, postquam annis
 septem & octo mensibus imperasset. Ita
 Zoe, a jugo Joannis Evnuchi, sub nomi-
 ne Michaelis fratris sui regnantis, libera-
 ta, sola rerum potiri ambiebat; sed cum
 tantam fortunam consequi nequaquam se
 posse intelligeret, alium nomine Michae-
 lem, defuncti Imperatoris ex sorore fi-
 lium, adoptavit, cognomento Calæpha-
 tum, quod ejus parens Stephanus Patri-
 cius aliquando *Calfateur*, seu navium Sti-
 pator fuisset. At eum terribilibus Sa-
 cramentis obstringere se se compulit,
 quod ipsam quoad viveret Dominam
 suam, & Matris loco, habiturus esset,
 nec unquam aliud, quam quod ipsa præ-
 scripisset, moliturus. Nihilominus vix
 elapso quatuor mensium spatio novus Im-
 perator aliorum consiliis eo adductus est,
 ut Zois Imperatricis fidem suspectam ha-
 beret, & metueret, ne sibi necem machi-
 naretur, sicut duobus Antecessoribus suis,
 quos veneno peremisse dicebatur. Ergo
 occupare feminæ consilia statuit, & ten-
 tatis populi animis id se tuto exequi pos-
 se ratus, Zoem noctu in Insulam Princi-
 pis relegat, Alexium Patriarcham custo-
 diæ tradit, & altera die, quæ erat Feria
 secunda post Octavam Paschæ, populo
 Decretum prælegi jubet, quo de his fa-

Sæculum XI. c̃tis rationem reddebat. At, in contra-
A.C. 1042. rium versis populi studiis, omnes exclamare: *Nolumus, ut nobis imperet Calaphatus perjurus, sed Imperii hæres, Zoe, Mater nostra!* Revocatur Theodora Zois Soror ex Monasterio, cui invita inclusa fuerat. Michael vero, postquam armis se tueri frustra conatus fuisset, ad Monasterium Studiense confugere, & Habitu monastico se se occultare cogitur, Feria IV. ejusdem Hebdomadæ, vigesima prima Aprilis, anno millesimo quadregesimo secundo. Verum furor populi non solum imperio, sed etiam oculis privatum in aliud monasterium proscripsit.

Feminæ imperant.
Pfellus. M.
S. to. 6.

Tum Zoem, solam rerum potiri cupientem populus compulit, ut Theodoram Sororem in Imperii consortium asciceret, regnaruntque ambæ mensibus tribus. Non aliud unquam exemplum constat, duas feminas Imperium fuisse moderatas; & tamen cuncti in conspectu earum trepidabant, usque adeo reverentia generis Basilii Macedonis animos Græcorum affecerat. Zoe ingenio promptiore prædita parcius tamen loquebatur; sed adeo erat munifica, ut prodigæ dici posset. Theodora tranquilliore animo multa verba faciens paucissima erogabat. Neutra vero parem regendis populis constantiam a natura acceperat; Præcipuis Reipublicæ negotiis muliebres

occu-

occupationes miscebant, nec ulla cura ^{Sæculum XI.}
 major quam aromata præparandi erat. ^{A.C. 1042.}
 Hoc unicum prope Zoïs studium, cujus
 conclave officinam dixisses, in qua in-
 gens Pharmacorum copia, & aliquot fur-
 ni, etiam tempore æstivo accensi, con-
 spiciebantur. Ceterum femina erat ma- ^{Sup. lib.}
 gna pietate, saltem si opera externa spe- ^{XLII. §. 5.}
 dentur. Celeberrimam Imaginem JE-
 su Christi, quæ *Antiphonetes* dicebatur,
 magna cura a se exornatam singulari ho-
 nore prosequabatur, sæpe coram ea pro-
 strata pectus pugnis tundebat, multas
 fundebat lacrymas, tanquam viventem
 alloquebatur, atque prout majorem mi-
 noremve fulgorem spargere ipsi videba-
 tur, de rerum futurarum eventu omen
 accipiebat.

Tandem post trium mensium lapsum
 intellexit Zoe, Imperium sine viro regi
 non posse. Ergo submota iterum Theo-
 dora Constantinum Monachum, a Joanne
 Evnucho in exilium pulsum, revocat, &
 quamvis sexagenaria esset major, eidem
 jungitur tertiis nuptiis, quæ eodem anno
 6550. seu 1042. undecima Junii celebra-
 tæ sunt. Altera die Constantinus ab
 Alexio Patriarcha coronatus annis dein-
 de duodecim imperavit. Anno sequen-
 te millesimo quadagesimo tertio, Indi- ^{Cedr. p. 758.}
 ctione undecima, vigesima prima Febr.
 obiit Alexius Patriarcha, postquam Se-

Sæculum XI. dem Constantinopolitanam occupasset
A.C. 1043. annis septendecim. In ejus domo in-
 venti sunt centenarii viginti quinque, id
 est, bis mille quingentæ auri libræ, ab
 ipso congestæ, quas Imperator tolli ius-
 sit. *Sup. lib. LVIII. §. 61.* Successit Michael Cerularius, quod
 nomen a cera acceperat, monachum indu-
 tus, ex quo a Joanne Evnucho ob crimen
 læsæ Reipublicæ exilio damnatus fuerat.
 Is in Festo Annunciationis Beatæ Virgi-
 nis in possessionem Sedis suæ assertus est,
 & secunda Maji Joanni Spadoni oculi
 eruti sunt, quo tolerato supplicio non
 plus aliquot diebus superstes fuit.

§. XLV.

Rerum vicissitudo in Hungaria.

In Hungaria, defuncto Sancto Stephano,
 Petrus ejusdem ex Sorore nepos Rex
Chro. Jo. de Thurocz. c. 35. 36. salutatur. Cum vero, ex prosapia Ger-
 manorum ortus, populari in suos affectu
 Præfecturas & præcipua munera in Ger-
 manos spargeret, offensi Hungari Ovo-
 nem seu Abam, S. Stephani affinem, Re-
 gem sibi eligunt; unde Petrus tertio Re-
 gni sui anno fuga sibi consulere coactus,
 in Germaniam ad Regem Henricum ni-
 grum se recepit. At Ovo multum san-
 guinis humani fudit, viris de Senatu præ-
vit. S. Gerardi. Sur. 24. Sept. & Act. Ben. cipuis tempore Quadragesimæ, verisimi-
 liter anno millesimo quadragesimo primo,
 crudelem in modum occisis. Tum ad
 cele-